

Žemaitėjė

Graži mona Žemaitėje
Kalvas, lygomas, miškā.
Unt Medvėgale palepes,
Pose Lietovos matā.

Vakarūs pri Koršiu mariu,
Klaipėdas i Palongos,
Kožnam jūra po krisleli
Gintara padovenuos.

Telšė – sostine žemaičiū
Miest unt septyniū kalvū.
Resiet bovot aplonkyte
Kryžiū kalna už Šiauliū.

Tor žemaitė Kalvareja,
Ten, kor ope Vardova.
Už Raseiniu, už Dubysas
Yr garsioji Šiluva.

Garsi bova Žemaitėje
Moksla žmonėm didelės.
Liks istuorijuo tos žemes
Partizanā, knygnešė.

Vo kalbos narastum niekor
Unt šio svieta panašios.
Skomb žemaitėškyje žōde,
Kap meliodeje dainos.